



Anna Wangenheim  
Inatsisartuni ilaasortaq, Demokraatit

**Akissuteqaat, § 37 naapertorlugu apeqqutigineqartunut nr. 027/2024 – meeqqat  
atuarfinni kisitsisit paasissutissat pillugit**

21-02-2024  
Sagsnr. 2024 - 1595  
Akt nr. 23881251

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Anna Wangenheim,

Qujanaq Inatsisartut suleriaasianni aalajangersakkat tunngavigalugit apeqquteqaatinnut.  
Taakkua uani ataani akissuteqarfigaakka.

**1. Atuarfimmi naliliisarneq uppersaasiortarnerlu pillugit  
Namminersornerullutik Oqartussat nalunaarutaat" malillugu kommuunit  
naliliisarnerat uppersaasiortarnerallu ilumut naammassineraat  
Naalakkersuisut qanoq qulakkeerinnipat?**

**Akissut:** Meeqqat atuarfiat kommunit ingerlatsinerisa ataaniippoq Namminersorlutik  
Oqartussat nalinginnaasumik ilitsersuineramik pisinnaatitaaffiata avataaniilluni. Atuarfik  
pillugu inatsit atuuttoq malillugu allaqqavoq, kommunalbestyrelsit Atuarfik pillugu  
Inatsisartut inatsisaannik ingerlatsinerat Naalakkersuisut nakkutigissavaat.

§ 37 imm. 1 atuarfik pillugu Inatsisartut inatsisaat nr. 19, 27. april 2023-meersoq kommunit  
Inatsisartut inatsisaannik ingerlatsinerat Naalakkersuisut nakkutigissavaat.  
Aalajangersakkami imm. 2-mi aalajangigaavoq, "Naalakkersuisut kommunalbestyrelse  
paasissutissanik piumaffigisinnaavaat, Inatsisartut inatsisaat malillugu suliameinnik  
pisarialinnik isumaginnissinnaanersut" pillugu.

Annertussusaa suuneralu Naalakkersuisut meeqqat atuarfiannut  
nakkutilliusussaataitanerannut tunngatillugu allattorsimapput oqaaseqaatini meeqqat  
atuarfiat pillugu Inatsisartut inatsisaat nr. 15, 3. Decemberimeersumi, qupp. 57 ima  
allassimapput:

"Kommunalbestyrelsit paasissutissanik piumasaqarfigineqarsinnaanerannik  
pisinnaatitsissut inatsit malillugu Naalakkersuisut pisariaqartumik suliassamik  
ingerlatsinissaattut isigineqassaaq, tassaallunilu Naalakkersuisut nakkutiginninnerat  
suliassallu inatsimmi aalajangersakkat malillugit Naalakkersuisut suliassaat allat.

Tassaasinnaapput paasissutissat atuarfinni tamanni ukioqassutsit malillugit atuartut  
amerlassusaa, atuartut immikkut atuarinneqartut amerlassusaa, ilinniartitsisumut  
ataatsimut atuartut amerlassusaa, takuuk § 35, misilitsernemi misiliinernilu angusat,  
iliuusissatut pilersaarutit suliarineqarnerat, takuuk § 19 aamma kommunalbestyrelsit  
atuarfimmik nakkutiginninnerat pillugu paasissutissat.

Ilinniartitsisut eqqarsaatigalugit paasissutissat aamma tassaasinnaapput ilinniartitsisut ilinniagaqarnerat piginnaasaqarnerallu tunngavigalugu meeqqat amerlassusiisa ilinniartitsisunut agguarnerat. Tamanna aamma pissaaq ilinniartitsisunut allanik tunuliaqutilinnut tunngatillugu atuartut amerlassusaannut sanilliullugu ilinniartitsisut ilinniartitsisutut ilinniarsimasut agguarnerannik nalilersuisinnaajumalluni.

Aalajangersagaq piviusuni oktobarip aallaqqaataani nalunaarutini taaneqartartunik suliaqarnermut nassitsinernullu tunngavittut atorneqartarpoq, taakkulu tassaallutik paasissutissat arlallit tassaasut killiffinni misilitsinnerniit tiimit ilinniartitsisut atugaannut il.il. Siunertaavorli taakku pitsaassutsit pillugit nalunaarusianut atatillugit siunissami suliarineqartassasut, tak. § 49.

Naalackersuisut aammattaaq kommunalbestyrelsit atuarfinnik ataasiakkaanik qanoq nakkutiginninnerannik misissuinissamat periarfissaqassapput.”

Kiisalu aamma kommunalbestyrelsip nakkutilliinissaata ilagaa meeqqat atuarfii inatsisinik malinninnerat, matumanissaaq aalajangersakkani nalunaarutini pineqartunik.

Naalackersuisut atuarfinnik nakkutilliineranni ilaapput:

- Paasissutissanik kisitsisinillu atuarfiit pillugit katersisarnerit, matumani aamma nalunaarusiat 1. oktoberimeersut, alloriarfinni misilitsinnerni angusat. Ilinniartitaanermut Aqutsisoqarfiup ukiut tamaasa paasissutissat pineqartut katersortarpei Naalackersuisut sinnerlugit.
- Kommunalbestyrelse paasissutissanik piumaffigisarneratigut pissutsini pisariaqartutut nalilerneqarsimasuni, ajornartorsiutinut aalajangersimasunut sammisuni, Naalackersuisoqarfiup nammineq eqqumaffigilersimasaani, imaluunniit atuisut imaluunniit oqartussat allat ajornartorsiutinik tikkuaasimanerisigut, (assersuutigalugu atuartitsisussaannerup naammassineqannginneratigut, atuartut inatsisit naapertorlugit atuarinneqartussaannermik neqeroorfigineqannginnerisigut, akunnerit atuartitsiviusussatut tunniunneqarsimasut inatsimmi minnerpaaffissat ataaniinnerisigut, meeqqanut atatillugu pinerluttulerinermik inatsimmik unioqutitsisoqarsimasinnaanerani pasisaqartoqartillugu, angajoqqaat atuartitsineq pillugit saaffiginnissuteqarnerisigut il.il.)
- Ingerlaavartumik oqaloqatigiittarnertigut ataatsimiinnerit aqutugalugit, pikkorissartitsinerit, isumasioqatigiittarnerit, siunnersuisarnerit il.il.

Oqaloqatigiittarneq atorlugu nakkutilliinerup ilaatut neqeroorutigineqartarpoq ingerlaavartumik siunnersuisarneq inatsisinik qanoq paasinnineq pillugu inatsisinillu malinnineq pillugu. Kiisalu aamma oqallisigineqartarput perorsaanerit aamma inatsisinut attuumassuteqartut apeqqutit, atuarfiit pisortaasa ukiumoortumik ataatsimiittarnerisigut aamma pikkorissartarnertigut, aaqqissuunneqartartunik Ilinniarnermik Instituttip aamma Ilinniartitaanermut Aqutsisoqarfiup aaqqissuussaannik, taakkunanilu inatsisiliornikkut suliniutaasut saqqummiunneqartarlutillu sammineqartarlutik.

#### **a. Piumasaqaatit taakku kommuunit tamarmik nammassivaat?**

**Akissut:** Naalackersuisut katersisanngillat kisitsisinik paasissutissanik kommuunit malinninnerannik Atuarfimi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersumi aalajangersakkanut tamanut atatillugu, tamanna assersuutigalugu atuuppoq ilinniutissanik toqqaasarnermut, atuartitsineri suleriaatsinut, atuarfiup

angerlarsimaffiullu suleqatigiinneranni, atuartut fagini tamani angusaanni aamma iliussissanut pilersaarutitut atasuni.

**2. Piffissami 2017-2023 paasissutissat ataaniittut Naalackersuisuniit nasuiarneqassasut piumasarineqarpoq. Paasissutissat kommuunikkaartuni tallimaasunut agguataarnissaat aammalu sanillersuussinnaanngorlugit allattorsimaffikkaartumik saqqummersinnissaat piumasarineqarpoq:**

- **Tiimit atuartitsinermut naammassineqarsimasut**
- **Tiimit taartaasunut atorineqartut**
- **Tiimit atuannigiffiit**
- **Ilinniartitsisuniit napparsimalluni sulinnigittoornerit**
- **Atuartuniit napparsimalluni atuannigittoornerit**
- **Napparsimaneq pinnagu allanik peqquteqarluni takkutinngittoornerit**

**Akissut:** Naalackersuisut paasissutissanik katersisanngillat ukunani:

- Tiimit atuartitsinermut naammassineqartartut
- Tiimit taartaasunut atorineqartut
- Tiimit atuannigiffiusut
- Ilinniartitsisut napparsimallutik peqanngittarneritut
- Atuartut napparsimallutik peqanngittarneritut
- Napparsimanani allanik peqquteqarluni peqanngittarnermut

Soorlu Attassinissamut Siuariartornissamullu Pilersaarut 2-mi ersittoq Naalackersuisut Ilinniartitaanermi Periusissiasami aggersumi aallunniarpaat anguniakkat immikkut allaaserineqarsimasut aamma atuarfimmi suliniutit, matumanissaaq ineriartortitsinerup nakkutigineqarnera, immikkut aallullugit iliussissanik pisariaqartitsiviusut aamma naleqqussaasariaqarnerit inatsisini atuuttuni aamma kisitsisinik paasissutissanik katersisarnermiittut.

### **3. Kommuunikkaartuni ilinniartitsisutut atorfiit inuttalerneqarsimannigitsut qassiuppat?**

**Akissut:** Aallarniutigalugu oqaatigineqassaaq apeqqummut 3-mut aamma 3a-mut akissutit tunngaveqarmata atuarfiit 1. oktober nalunaarutaannik ukiumut atuarfiusumut 2021/2022-imut atatillugu.

Ajoraluartumik periarfissaqarsimannigilaq kisitsisinik paasissutissanik nutaanerusunik piffissaliussap iluani katersisoqarsinnaanissaa, Ilinniartitaanermut Aqutsisoqarfiup suli utaqqimmagit 1. Oktobarimi nalunaarutaasussat atuarfiit ilaanneersut ukiunut atuarfiusunut 2022/2023 aamma 2023/2024.

Ilinniartitsisussaaleqineq nalinginnaasumik matussuserneqartarpoq ilinniartitsisut ilinniarsimasut qaangiuttoortarnerisigut, imaluunniit timelærerinik sulisoqartarnertigut.

Ukioq atuarfiusoq 2021/22	Ilinniartitsisut atorfii akuerisat	Ilinniartitsisutut ilinniarsimasut	Ilinniartitsisut amigaataasut
Kommune Kujalleq	107	97	<b>10</b>
Kommuneqarfik Sermersooq	384	328	<b>56</b>
Qeqqata Kommunia	198	150	<b>48</b>
Kommune Qeqertalik	144	121	<b>23</b>
Avannaata Kommunia	259	179	<b>80</b>
<b>Katillugit</b>	<b>1.092</b>	<b>875</b>	<b>217</b>

*b. Ilinniartitsisut ilinniarsimasut ilinniarsimannngitsullu akunnerminni procentinngorlugu agguataarsimaneq qanoq inissisimava? (Uunga akissutit atuarfimiit atuarfimmu, ilanngunneqarsinnaasutullu kommuunimiit kommuunimut agguataaquneqarput)*

**Akissut:** Apeqqummut 3-mut akissutit takukkit, paasissutissanut nassuiaatit pillugit.

Ukioq atuarfiusoq 2021/22	Atuarfik	Ilinniartitsisut ilinniarsimasut %-inngorlugit	Time-lærerit %
KOMMUNE KUJALLEQ	Nanortalik	85%	15%
	Aappilattoq	0%	100%
	Narsaq Kujalleq	0%	100%
	Tasiusaq	50%	50%
	Alluitsup Paa	67%	33%
	Ammassivik	0%	100%
	Qaqortoq	92%	8%
	Egalugaarsuit	50%	50%
	Narsaq	83%	17%
	Igaliku	50%	50%
	Narsarsuaq	50%	50%
	Qassiarsuk	100%	0%
	Savaateqarfiit	0%	100%
KOMMUNEQARFIK SERMERSOOQ	Paamiut	96%	4%
	Arsuk	67%	33%
	Atuarfik Samuel Kleinschmidt	100%	0%
	Ukaliusaq	100%	0%
	Atuarfik Hans Lyngø	100%	0%
	Nuussuup Atuarfia	100%	0%
	Kangillinnguit	100%	0%
	Qeqertarsuatsiaat	100%	0%
	Kapisillit	100%	0%
	Ittoqqortoormiit	64%	36%

	Tasiilaq	67%	33%
	Isertog	0%	100%
	Diileriilaaq	67%	33%
	Kulusuk	71%	29%
	Kuummiut	60%	40%
	Sermiligaaq	14%	86%
QEQQATA KOMMUNIA	Maniitsoq	74%	26%
	Atammik	25%	75%
	Napasog	50%	50%
	Kangaamiut	73%	27%
	Minngortuunnguup Atuarfia	92%	8%
	Nalunnguarfiup Atuarfia	96%	4%
	Qinnguata Atuarfia	100%	0%
	Itilleq	50%	50%
	Sarfanguaq	67%	33%
	Kangaatsiaq	76%	24%
KOMMUNE QEERTALIK	Attu	86%	14%
	Iginniarfik	50%	50%
	Ikerasaarsuk	50%	50%
	Niaqornaarsuk	60%	40%
	Gammeqarfik	95%	5%
	Akunnaaq	50%	50%
	Kitsissuarsuit	50%	50%
	Ikamiut	33%	67%
	Qasigiannuguit	87%	13%
	Qeqertarsuaq	91%	9%
AVANNAATA KOMMUNIA	Atuarfik Mathias Storch	89%	11%
	Atuarfik Jørgen Brønlund	93%	7%
	Ilimanaq	0%	100%
	Oqaatsut	100%	0%
	Qeqertaq	25%	75%
	Saqqaq	80%	20%
	Uummanaq	77%	23%
	Niaqornat	0%	100%
	Qaarsut	67%	33%
	Ikerasak	67%	33%
	Saattut	50%	50%
	Ukkusissat	75%	25%
	Upernavik	76%	24%
	Upernavik Kujalleq	29%	71%
	Kangersuatsiaq	40%	60%
	Aappilattoq	25%	75%
	Naajaat	0%	100%

Innaarsuit	50%	50%
Tasiusaq	30%	70%
Nutaarmiut	0%	100%
Nuussuaq	33%	67%
Kullorsuaq	36%	64%
Qaanaaq	78%	22%
Savissivik	100%	0%
Qeqertat	100%	0%
Siorapaluk	50%	50%

#### **4. Meeqqat atuarfiannut tunngatillugu suliniutit pilersaarutillu tigussaasut Naalackersuisunit maannakkoqqissaaq suut ingerlanneqarpat?**

**Akissut:** Suliniutit aallartinneqarsimasut:

- Ilinniartitaanermut Aqutsisoqarfiup ingerlappaa atortuulersitsiartorneq nunamut tamarmut periusissiamik pimmatiginnittarnermut, piffissamilu matumani ataatsimiinnernik suliniutinik aallartitsisarnernik imaqartunik kommunit tamaasa tikillugit ingerlatsisareerlutik. Tamatumunngalu atatillugu webinar-nik ingerlatsisoqassaaq pimmatiginnittarneq iliuuseqarfigiumallugu periaasissanik imaqartunik, upernaap ingerlanerani Ilinniartitaanermut Aqutsisoqarfimmit, kiisalu atortussanik saqqummiussisoqassallunissaaq iserasuaat.gl. Pimmatiginnittarnermut illuatungiliisut atortussat "Kammagiitta" minnernoortut suliaqqinneqartussaapput Isumaginninnermut Aqutsisoqarfik aamma Dronning Mary Fonden peqatigalugit suleqatigalugillu. Kiisalu aamma Ilinniartitaanermut Aqutsisoqarfiup pilersaarusiorpaa nunamut tamarmut sammititaasumik conference-qartitsinissaaq, 2024-ip ukiaani pimmatiginnittarnermut suliniutit pillugit.
- Inatsisartut isumaqatigiillutik 2021-imi ukiakkut ataatsimiinnermi aalajangerput nunamut tamarmut atuuttussanik iliuusissanut pilersaarusiortoqassasoq naqinnernik atuarsinnaanngissuseq, atuarniarnikkut aamma allanniarnikkut ajornartorsiuteqarnerit meeqqat, inuusuttuaqqat aamma inersimasut akornanniittut iliuuseqarfigiumallugu. Nunamut tamarmut atuuttussamik iliuusissanut pilersaarummik suliaqarneq Ilinniartitaanermut Aqutsisoqarfimmi ingerlanneqarpoq, naatsorsuutigineqarlunilu iliuusissanut missingersuusiamik aalajangiinissamut tunngavissalikkamik Naalackersuisunut saqqummiussisoqarsinnaassasoq UPA 2025 sioqqullugu.
- Ilinniartitaanermut Aqutsisoqarfiup ingerlaavartumik kommunit oqaloqatigisarpai pisariaqartitsinerinik ineriartortitsinissanut aamma pikkorissaaqqittarnissanut, pisussallu ilaat ilanngunneqarsimapput kommunini suliniummut KIVITSISA.
- Ilinniartitaanermut Aqutsisoqarfik faginut immikkut toqqakkanut sammisunik webinar-nik ingerlatsisalernikuvoq, taakkualu kingornagut takuneqarsinnaasassapput Ilinniartitaanermut Aqutsisoqarfiup YouTube-kanaliani.
- Atuarfiit oktobarip aallaqqaataani nalunaarusiassaminni paasissutissiissapput atuarfiit inooqatigiinnikkut aaqqissuussinerinik - sociale kontaktordninger. Ilinniartitaanermut Aqutsisoqarfiup ukiumit atuarfiusumiit 2022-2023 kommunikaartunik paasissutissat katersortarpai inooqatigiinnikkut aaqqissuussinerni pisussaaffinnik naammassinnittarnerit.
- Ulloq 1. august 2023 atortuulerpoq Atuarfimmi atuartsissutini atuartsissutinilu qanitariissuni alloriarfiit siunertaat kiisalu atuartsissutit siunertaat ilikkagassatullu anguniagassat pillugit Namminersorlutik Oqartussat nalunaarutaat nr. 38, ulloq 27. juli 2023-imeersoq. Ilikkagassatut anguniagassat suliaqqitat erseqqissagaapput pisariinnerullutillu, malunnaatilinnillu ikinnerulersitaallutik ilikkagassatut anguniakkaniit 2003-meersuniit. Ilikkagassatut anguniakkat pingaarnertut piginnaasatigit siunnerfittut suliaapput. Piginnaasanik oqarneq paasineqassaaq ataatsimoortitsinertut ilisimasanik, piginnaanernik aammalu misilittakkanik. Ilikkagassatut anguniakkat pituttuisuupput.

Ikkagassatut anguniakkanut ilassutitut tapiliussatut nalunaarsuisoqarpoq ilitsersuutiniq ilisimasassanut aamma piginnaanerisassanut anguniakkanik, atuartitsinermi alloriarfinni tamani atornerqarsinnaasunik.

- Ikkagassatut anguniakkat suliarineqaqqinnerisa inernerisaattut Ilinniartitaanermut Aqutsisoqarfik maanna suliaqarpoq piareersaatiniq, nutarterneqassamat Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, ulloq 9. januar 2009-meersoq, kiisalu Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, ulloq 9. januar 2009-meersoq.
- Ilinniartitaanermut Aqutsisoqarfiup Ilinniarnermik Institutti suleqatigalugu ingerlatissavaa "Matematikkimi aamma pinngortitalerinerimik ilinniartitsinerimik ilinniartitsisunut ilinniarnermik festivale". Festivale atuarianni ilinniartitsisunut matematikkimi imaluunniit pinngortitalerinerimik fagini, ilinniarnertuunngorniarfinni, inuussutissarsuutiniq ilinniartitsinerimik atuartitsisartunut ilinniartitsisunngorniartunullu saaffiginnittuuvoq. Kiisalu aamma Ilinniartitaanermut Aqutsisoqarfik ilinniarnermik festivalimik assingusumik ingerlatsinikuuvoq kalaallisut ilinniartitsisunut 2022-imi.
- Ilinniartitaanermut Aqutsisoqarfiup atuartitsissutissanik saqqummersitsisarfia Ilinniusiorfik maanna periusissiaminik nutarteraluni suliaqarpoq. Pineqartullu saniatigut saqqummersitsisarnerit oqaluttuarisaanermut ilikkagassani kiisalu inuiaat pisinnaatitaaffiinut atasunik ilinniutissat tulleriarinerni pingartinneqassapput.
- Ilinniartitaanermut Aqutsisoqarfiup aallartissimavaa atortuulersitsiartorluni suliaq Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaannut nr. 76, ulloq 21. December 2021-imeersumut atatillugu. Atortuulersitsiartuaanermut atatillugu Ilinniartitaanermut Aqutsisoqarfiup atuartut angerlarsimaffiini pisortaasunut seminareqartitsineq november 2023-imi.
- Ilinniartitaanermut Aqutsisoqarfik Danmark aamma Savalimmiut suleqatigai isersinnaalernissamut mitCFU-mut, digitaliusumik quppersakkamut ilinniartitsisut aamma atuartut ilinniutinut digitaliusunut assigiinngitsunut iserfigisinnaasaat, - matumanissaaq atuartitsissutaasinnaasunik filminik aallertarfiusoq, atuisut namminneq toqqortortagaannik. Ilinniartitaanermut Aqutsisoqarfiup avataanut attartortitsisarfia, Siammaavik, ingerlaqqittumik atortuulersitsiartuaassaaq atortorissaarummik mitCFU-imik.

Suliniutit allat/pilersaarutit:

Soorlu Qajannaassutsimut Inerisaanermullu Pilersaarut II-mi ersittoq Naalakkarsuisut atuarianni aallussinermi isiginiarpaat ersarissaanissaq atuarianni inissisimaneranik periaasissaanillu, tamatumani qanoq pitsaanerpaamik ulluinnarni ingerlanneqarnissaa:

- Aallussineq annertunerusoq qularnaarumallugu nukarlerni tunngavigineqartussat patajaatsuunissaat, fagini atortussat pitsaassuseqarnerisigut, minnerunngitsumik oqaatsini pineqartuni arlariinni (kalaallisut aamma danskisut) aamma matematikkimi.
- Pissusissamisoornerusunik eqaannerusumillu aqqissuussaasunik atualermermi aamma naammasinermilu, immaqalu aamma: pitsaannerusumik periarfissaqarnikkut atuartunik ikiorsiisnaanermi ilinniagaqalernissamut piareersimasutut pissuseqanngitsuni, imaluunniit atuartut atuagarsortuunngitsut



tigussaannerusunik sungiusaammik suliffissaqartinneqarnerisigut angajullernik atuartut eqqarsaatigalugit.

Kiisalu aamma anguniakkanik suussusilersuineq tigussaassuseqarnerusumik suliarineqassaaq, Naalakkersuisut ilinniartitaanernut periusissiaanni atuarfeqarnermut atatillugu. Naatsorsuutigineqarpoq ilaatigut makkua immikkut aallunneqarnissaat:

- Atuarfimmi ineriartortitsinerup ingerlaavartumik nakkutigineratigut, immaqalu iliuusissanik pisariaqartitsinerusinnaasut piviusut qitiusumeersut ineriartortitsinerit ilorraanut samminngitsut eqqarsaatigalugit. Matumanissaaq inatsisitigut allannguutissanik pisariaqartitsinerusinnaasut, aaqqissuussinerillu naleqqussarneqarnissaannik pisariaqartitsinerusinnaasut, paasissutissanik katersisarnerni atuarfimmillu ineriartortitsinerimi.
- Inatsisinik allannguinnissamik pisariaqartitsinerusinnaasut, aamma akunnernit atuartsiviusut qanoq aaqqissuunneqartarnerini, naapigiarumallugit kissaataasinnaasut atualernermi atuarunnaarnermiulu aaqqissuussinerniittut, ilinniagaqalernissanut ilitsersuisarnerup / siunnersuisarnerup nukittorsarneratigut, inuusuttuaqqanut atuarfimiittunut taakkua inersimalernissaasa tungaanut.
- Atuarfimmi atuarfimmullu attuumasuni atugarissaarnerup annertusarnera.
- Atuartut ingerlaqqiffisaanni tiguisusannik qitiusumillu ilinniartinnik suleqateqarnerit annertusisat.

Naalakkersuisut ilanngulluguttaaq sulissutiginiarpaat atuarfimmi ilitsersuisarnerup / siunnersuisarnerup pitsanngorsarneqarnissaa, minnerunngitsumik atuartut angajullit akornanni. Tamanna qularnaarneqassaaq tigussaasumik pilersaarusiornikkut atuarfimmi pitsaanerusumik siunnersuisarnissamik, aaqqissuussinerullu atortuulernissaanik, sukkanerpaamik kivitsiniartussamik periaatsinik assigijartunik aaqqissuussaasunillu.

***a. Immikkut atuartsinerumut allannguutissatut  
aallartisarneqarsimasut taakkartorneqartariaqartut suut  
taaneqarsinnaappat?***

**Akissut:** Ilinniartitaanermut Aqutsisoqarfik november 2023-imi atuarfinni pisortanut seminareqartitsineq kingulleq ingerlappaa, tassanilu sammisaq quleqataasoq pingaarneq tassaavoq "*atuarfik tamanut atuuttoq*", immikkut aallussiviusumik atuartunik immikkut ittunik pisariaqartitsisunik.

Tamatumalu saniatigut eqqaaneqarsinnaavoq Ilinniartitaanermut Aqutsisoqarfiup pilersissimmamagu SharePoint-kanal, ilinniartitsisut atuartsissutiminnik avitseqatigiiffiginnaasaat akunnerminnilu isumasioqatigiiffiginnaasaat, misilitsittarnernut immikkut atugassaqartitsiviusunik.

Ilinniartitaanermut Aqutsisoqarfiup maanna aallartissimavaa atuartunik 1.-3. Klassiniittunik immikkoortiterisarnermut atortorissaarut, siusissumik atuartut naqinnernik paasinnissinnaangitsullu inissisimalersinnaasut kikkunerit nalilersorinnaajumallugu.

Meeqqat atuarfianni immikkut atuartsisarneq aamma allamik immikkut ittunik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, ulloq 8. december 2017-imeersoq suli ingerlaqqittumik atortuulersikkiartorneqarpoq.

**5. Naalackersuisut § 37-mi - apeqqummut nr.010/2024-mut 1 akissutigaat, meeqqat atuarfiat nalilersornissaanut avataaniit naliliisussatut suleqatissat aaneqassasut. Naalackersuisut naliliinissaq qaqugu aallartinniarpaat?**

**Akissut:** Piffissami matumani Naalackersuisut aalajangersimanngilaat atugassarititaasut qanoq ittut imaluunniit piffissaliineq avataaneersunit nalilersuisitsinissamut.

Taamaattoq Naalackersuisut pissusissamisoortippaat nalilersuisoqarnissaata pingaaruteqarnera, ilinniartitaanerit pitsaanerulersikkumallugit, matumani aamma meeqqat atuarfianni. Qaqugu nalilersuinerup aallartinneqarsinnaanera Naalackersuisut ingerlaavartumik pilersaarusionerisa tullerijaaarisarnerisalu iluaniippoq isumaliutigilluartariaqartoq, pissutsit atuuttut nukiillu pigisavut eqqarsaatigalugit.

**6. Naalackersuisut suliamut tunngasunik paasisutissanik allanik paasisutissiisinnaappat?**

**Akissut:** Naamik, Naalackersuisut suliami allanik ilisimatitsissutissaqanngillat.

Inussiarnersumik inuulluaqqusillunga

Aqqaluaq B. Egede

